

BOSNA i HERCEGOVINA

Pomorsko društvo u Bosni i Hercegovini

Isabega Ishakovića 8, Sarajevo /uslužna adresa: Prote Bakovića br. 8, Sarajevo/

Reg. br.: 14/IB/19

Sarajevo, 29.4.2019. godine

Na osnovu zaključka donesenog na sastanku Skupštine Pomorskog društva u Bosni i Hercegovini održanog 12. 4. 2019. godine u Sarajevu upućujemo

**OTVORENO PISMO BOŽI LJUBIĆU,
ZASTUPNIKU U SABORU REPUBLIKE HRVATSKE**

Pomorsko društvo u Bosni i Hercegovini (Društvo) je osnovano 31.12.2007. godine, Rješenjem broj UP08-07-1-135/07 i upisano je u Registar udruženja pod brojem RU648/07.

Neposredni cilj i namjera Društva je postizanje punog suvereniteta, teritorijalnog integriteta i ostvarenja međunarodnih prava mora Bosne i Hercegovine na dijelu Jadranskom mora, koje nesporno pripada Bosni i Hercegovini. S tim ciljem, poduzet je niz aktivnosti kod međunarodnih institucija i organizacija, a posebno Evropske unije, Ujedinjenih nacija, Visokog predstavnika u Bosni i Hercegovini (OHR), te su detaljno informisana nadležna tijela i pojedinci u Republici Hrvatskoj i jedanajest zastupnika u Parlamentu Evropske unije, kao i Ured bivšeg predsjednika Republike Hrvatske.

Osnova tekućih aktivnosti Društva je činjenica, da je: Republika Hrvatska Pomorskim zakonikom (od 02. 02. 1994. godine i 14. 12. 2004. godine) proglasila svoj državni suverenitet na pomorskoj teritoriji i obali kopna Bosne i Hercegovine, na način da su ključne odredbe (vezano za suverenitet i polazne ravne crte) ovog zakonika, decidno prepisane iz zakona SFRJ. Tako je Republika Hrvatska sebe proglasila jedinom nasljednicom SFRJ na ovom dijelu Jadranskog mora, uzurpirajući pomorsku teritoriju Bosne i Hercegovine.

S tim u vezi, Republika Hrvatska ne želi da ratificira „Ugovor o državnoj granici između Republike Hrvatske i Bosne i Hercegovine“ koji su u Sarajevu prije 20 godina (30. 7. 1999. godine) potpisali predsjednik Republike Hrvatske Franjo Tuđman i predsjednik Predsjedništva Bosne i Hercegovine Alija Izetbegović.

Ovaj ugovor o državnoj granici je, očigledno, u suprotnosti sa zakonodavstvom (odredbama pomenutog Pomorskog zakonika), i to je neposredni razlog pisma i jasnog zahtjeva upućenog 18.12.2018. godine Boži Ljubiću, putem Kluba zastupnika HDZ-a (najbrojniji), te na znanje višestranačkom rukovodstvu Sabora. Ovom pismu su prethodili: objavljeni tekst “Ritam nesavršenog zločina” od 09. 11. 2018. godine (<http://www.makarska-post.com/index.php/slavenletica-ugovor-o-granici-s-bih-ritam-nesavršenog-zlocina/>), usvajanje Deklaracije Hrvatskog sabora o položaju Hrvata u Bosni i Hercegovini i evropskom putu Bosne i Hercegovine, te negiranje i neprihvatanje cjelovite presude Žalbenog vijeća Haškog tribunala (www.icty.org) od 29. 11. 2017. godine.


Izgradnja Pelješkog mosta je tijesno vezana za namjere i ciljeve Republike Hrvatske, koje su detaljno opisane i utvrđene pomenutom presudom. Iskazano povezivanje hrvatske teritorije na jugu, pored ekonomičnijih, racionalnijih, uslužnijih i za građane prihvatljivi rješenja (tri puta kraća i četiri puta jeftinija veza), putem izgradnje Pelješkog mosta je samo potrební izgovor za

realizaciju opisanih strateških namjera i ciljeva. Jasno je svima, da bi izgrađeni Pelješki most bio pomorsko dobro Republike Hrvatske sa punim nacionalnim suverenitetom u moru, površini i zraku. To bi, uz navedeno, bio konačni pečat za trajnu promjenu pravnih činjenica i stečenih prava, u ovom dijelu Jadranskog mora na štetu: suvereniteta, teritorijalnog integriteta i međunarodnih prava Bosne i Hercegovine.

Upućeno pismo Boži Ljubiću, odnosno rukovodstvu Sabora Republike Hrvatske, jasno i direktno sugerirše prvi korak ka rješavanju pomorskih problema dvije države: izmjena Pomorskog zakonika, s ciljem rješavanja problema, već narušenog suvereniteta, teritorijalnog integriteta i međunarodnih prava Bosne i Hercegovine. Međutim, ovo pismo kao ni ostale informacije (istinite, otvorene i provjerljive), upućene institucijama i pojedincima u Republici Hrvatskoj, nisu prihvaćene kao dobronamjerne, s ciljem rješavanja problema. Svakako danas, važnije od toga je činjenica da dostavljene informacije s argumentima, do danas nisu demontovane od bilo koga, ni na bilo koji način, te se shodno tome može zaključiti da je istinitost dostavljenih informacija i potvrđena.

U tekstu portala Direktno.hr pod naslovom „To društvo nema nikakav legitimitet predstavljati Bosnu i Hercegovinu” (<https://direktno.hr/direkt/ljubic-o-pismu-iz-sarajeva-to-drustvo-nema-nikakav-legitimitet-predstavljati-bosnu-i-hercegovinu-146577>) Božo Ljubić na amaterski način pokušava izbjeći jasnu, potvrđenu i provjerljivu istinu o odnosu Republike Hrvatske prema suverenoj i samostalnoj državi Bosni i Hercegovini. On tumači i objašnjava nešto što nigdje u svijetu ne postoji: da građansko udruženje (u ovom slučaju “Pomorsko društvo u Bosni i Hercegovini”) nema legitimitet predstavljati državu. (!) Nadalje, da bi devalvirao informacije, on na nevješt i neuk način iskazuje, da ne zna koje je društvo u pitanju (imaju samo dva pomorska društva i oba su sa sjedištem u Sarajevu), te iznosi neistinu da ih ima ko zna koliko u Vogošći, Ostrožcu... On to čini s ciljem omalovažavanja istine i udaljavanja javnosti od istinitih informacija, a što je za njega lično, u datom statusu poražavajuće. Ovim putem, ustvari, Božo Ljubić jasno pokazuje da vidi i priznaje date informacije legitimnog i legalnog Pomorskog društva u Bosni i Hercegovini, ali je nemoćan za suprotnu tvrdnju, jer nema argumenata za to. Svakako, Božo Ljubić je bitan i drag čovjek i zaslužuje zahvalnost, jer su preko njega dostavljene informacije i očigledno, povratno primljen stav rukovodstva Sabora Republike Hrvatske i Kluba HDZ-a, gdje je on član i uvažavani zastupnik iz Bosne i Hercegovine.

Na kraju, poštujući sve deklarativno iskazane stavove političara i državnih tijela, u vezi „dobrosusjedskih odnosa“ i međusobnog priznavanja dvije države, zahtjev Društva i dalje ostaje isti: da Sabor usvoji izmjename i dopune važećeg Pomorskog zakonika Republike Hrvatske (NN 181/04, 76/07, 146/08, 61/11, 56/13, 26/15) u kojem bi se otklonile sve, još uvijek važeće odredbe, kojima je ugrožen suverenitet i teritorijalni integritet, te međunarodna prava Bosne i Hercegovine.


dr.sc. Izet Bajrambašić, predsjednik
Pomorskog društva u Bosni i Hercegovini